



Broj: 12-34-1317-1/17
Sarajevo, 17.10.2017.godine

Na osnovu člana 21. stav 1. Zakona o reviziji institucija u Federaciji Bosne i Hercegovine («Službene novine Federacije BiH», broj: 22/06), člana 40. Pravilnika o radu u Uredu za reviziju institucija u Federaciji Bosne i Hercegovine, broj: 09-02-1213-4/16 od 24.05.2017. godine - prečišćeni tekst, te Odluke Generalnog revizora Ureda za reviziju institucija u Federaciji Bosne i Hercegovine, broj: 12-34- 1316-1/17 od 17.10.2017. godine, objavljuje se

JAVNI POZIV

za prijem volontera visoke stručne spreme u Ured za reviziju institucija u Federaciji Bosne i Hercegovine

Javni poziv se odnosi na volontere sa visokom stručnom spremom, koji nisu obavili volonterski ili pripravnički staž i koji se vode u evidenciji nezaposlenih osoba kod nadležne službe za zapošljavanje.

Volonteri će obavljati poslove s ciljem stručnog osposobljavanja za samostalan rad i sticanja radnog iskustva za polaganje stručnog (upravnog) odnosno javnog ispita, bez zasnivanja radnog odnosa, u trajanju od godinu dana.

Mjesto stručnog osposobljavanja je Sarajevo.

I. ZANIMANJE

- 1. Diplomirani ekonomist - VII stepen stručne spreme, odnosno visoko obrazovanje po Bolonjskom sistemu studiranja koji se vrednuje sa najmanje 240 ECTS bodova - 1 izvršilac**
- 2. Diplomirani pravnik - VII stepen stručne spreme, odnosno visoko obrazovanje po Bolonjskom sistemu studiranja koji se vrednuje sa najmanje 240 ECTS bodova - 1 izvršilac**
- 3. Diplomirani inženjer elektrotehnike ili informatike - VII stepen stručne spreme, odnosno visoko obrazovanje po Bolonjskom sistemu studiranja koji se vrednuje sa najmanje najmanje 240 ECTS bodova - 1 izvršilac**
- 4. Diplomirani profesor engleskog jezika i književnosti - VII stepen stručne spreme, odnosno visoko obrazovanje po Bolonjskom sistemu studiranja koji se vrednuje sa najmanje 240 ECTS bodova - 1 izvršilac**

II. USLOVI

Kandidat koji se prijavljuje na Javni poziv, potrebno je da ispunjava opće uvjete, propisane Zakonom o reviziji institucija u Federaciji Bosne i Hercegovine («Službene novine Federacije BiH», broj: 22/06), i člana 12. Pravilnika o radu u Uredu za reviziju institucija u Federaciji Bosne i Hercegovine, i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;
- d. da je zdravstveno sposoban;
- e. da se protiv njega ne vodi krivični postupak, niti da je pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju, u skladu sa Krivičnim zakonom;
- f. da nije obuhvaćen odredbama člana IX.1. Ustava Bosne i Hercegovine.

Pored općih uslova kandidat mora ispunjavati i posebne uslove:

- a. za poziciju 1. kandidat treba da ima: VSS-VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski fakultet;

za poziciju 2. kandidat treba da ima: VSS-VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, pravni fakultet;

za poziciju 3. kandidat treba da ima: VSS-VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, elektrotehnički ili informatički fakultet;

za poziciju 4. kandidat treba da ima: VSS-VII stepen stručne spreme, odnosno obrazovanje po Bolonjskom sistemu studiranja sa najmanje ostvarenih 240 ECTS bodova, filozofski fakultet-studijska grupa: engleski jezik i književnost.

- b. dokaz da kandidat nije bio zaposlen u zanimanju za koje se školovao, odnosno da nema radno iskustvo u zanimanju za koje se školovao, što dokazuje potvrdom-uvjerenjem PIO/MIO da nije registrovan u matičnoj evidenciji i potvrdom-uvjerenjem Porezne uprave o statusu kandidata.
- c. aktivno poznavanje engleskog jezika.

III. POTREBNI DOKUMENTI

Kao dokaz da ispunjavaju opće i posebne uslove kandidati su dužni priložiti orginale ili ovjerene fotokopije slijedećih dokumenata:

- a. popunjen i svojeručno potpisan prijavni obrazac Ureda za reviziju institucija u Federaciji BiH koji se može dobiti u prostorijama Ureda za reviziju institucija u Federaciji BiH ili na web-stranici Ureda za reviziju institucija u Federaciji BiH www.vrifbih.ba,
- b. uvjerenje o državljanstvu BiH (ne starije od šest mjeseci),
- c. izvod iz matične knjige rođenih,
- d. izjava kandidata da nije obuhvaćen odredbama člana IX.1. Ustava Bosne i Hercegovine, ovjerena od strane nadležnog općinskog organa,
- e. diploma o završenom studiju (original ili ovjerena fotokopija) ili uvjerenje o diplomiranju izdato od strane visokoškolske ustanove, ne starije od jedne godine od dana diplomiranja (original ili ovjerena fotokopija). Za kandidate koji su visoko obrazovanje stekli po Bolonjskom procesu uz univerzitetsku diplomu i dodatak diplomu. Izuzetno, samo u slučaju da visokoškolska ustanova dodatak diplomu nije uopšte izdavala niti za jednog diplomca, kandidat je dužan da uz ovjerenu univerzitetske diplome dostavi uvjerenje visokoškolske ustanove da dodatak diplomu nije izdat niti za jednog diplomca. Kandidati koji ne dostavljaju dodatak uz diplomu dužni su dostaviti dokaz o prosjeku ocjena.

U slučaju da fakultet nije završen u Bosni i Hercegovini, diploma mora biti nostrificirana (dokaz o nostrifikaciji-original ili ovjerena fotokopija). Kandidati dostavljaju kao dokaz:

- za poziciju 1. diploma o završenom studiju na ekonomskom fakultetu visoka stručna sprema ili završen najmanje prvi ciklus studija uz ostvarenih najmanje 240 ECTS bodova,
 - za poziciju 2. diploma o završenom studiju na pravnom fakultetu, visoka stručna sprema ili završen najmanje prvi ciklus studija uz ostvarenih najmanje 240 ECTS bodova,
 - za poziciju 3. diploma o završenom studiju na elektrotehničkom ili informatičkom fakultetu, visoka stručna sprema ili završen najmanje prvi ciklus studija uz ostvarenih najmanje 240 ECTS bodova,
 - za poziciju 4. diploma o završenom studiju na filozofskom fakultetu-studijska grupa: engleski jezik i književnost, visoka stručna sprema ili završen najmanje prvi ciklus studija uz ostvarenih najmanje 240 ECTS bodova.
- f. dokaz o aktivnom znanju engleskog jezika, najmanje nivo A2
 - g. potvrdu-uvjerenje PIO/MIO da nije registrovan u matičnoj evidenciji i potvrdu-uvjerenje Porezne uprave o statusu kandidata, kao dokaz da kandidat nema ostvaren radni staž, odnosno radno iskustvo, nakon završenog obrazovanja
- Po završetku konkursne procedure, i to prije zaključivanja ugovora o volontiranju, **izabrani kandidat je dužan dostaviti i:**
- h. ljekarsko uvjerenje (ne starije od tri mjeseca)
 - i. uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca)
 - j. uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova, (ne starije od tri mjeseca)

IV. NAPOMENE

Kandidati koji ispunjavaju uslove iz Javnog poziva i koji su blagovremeno podnijeli urednu i kompletnu dokumentaciju uz prijavu na Javni poziv biće pozvani na razgovor sa Komisijom za izbor. Proces prijema po ovom Javnom pozivu, provest će se u skladu sa internim aktima Ureda za reviziju.

O rezultatima Javnog poziva kandidati će biti obaviješteni dostavom odluke o prijemu na stručno osposobljavanje bez zasnivanja radnog odnosa u Ured za reviziju. Ako se na Javni poziv ne prijave osobe koje ispunjavaju propisane i objavljene uvjete iz Javnog poziva, ili iz nekih drugih opravdanih razloga, generalni revizor može obustaviti postupak izbora po ovom Javnom pozivu.

Javni poziv se objavljuje na web stranici Ureda za reviziju institucija u Federaciji BiH, www.vrifbih.ba

Prijavu na ovaj Javni poziv, sa svim potrebnim dokumentima dostaviti najkasnije u roku od 15 dana, od dana objave ovog Javnog poziva, lično ili preporučenom poštom, na adresu:

**„Ured za reviziju institucija u Federaciji Bosne i Hercegovine“
Ul. Ložionička br. 3,
71000 Sarajevo**

Na koverti sa prijavom obavezno naznačiti: **„Prijava na Javni poziv - ne otvarati“**.

Na poleđini koverta navesti ime i prezime podnosioca, adresu i kontakt telefon.

Nepotpune, neuredne i neblagovremene prijave neće se razmatrati.

U skladu za Zakonom o reviziji institucija u FBiH, Ured za reviziju nema obavezu vraćanja zaprimljenih prijava na Javni poziv.

URED ZA REVIZIJU INSTITUCIJA U FEDERACIJI BOSNE I HERCEGOVINE